

昆明志 41

76649

1-8

230.197

41.1

1-8

2-1

涇陽縣志

樸仙翁

乙丑孟冬刊

涇陽縣志

樸仙馬敦仁署



創修渦陽縣志序

渦陽縣設治最晚清同治初捻匪躡中原安徽捻魁任柱張樂行及其徒黨兇悍之衆多渦人而樂行以雉河集爲巢穴四出屠掠清廷命將帥用大師克之既克疆吏上言雉河集東距蒙城百里而近西南北三垂距阜陽宿州亳州百里而遙四州縣以甌脫視之數逋蘊孽莫與糾察宜就雉河集增設縣治割蒙亳宿阜四邑土壤相接者隸於版慎選賢吏施教養詞姦慝秉其阨塞地利遏絕亂萌庶幾謀久安恙後患詔報可並采北魏舊縣名名曰渦陽縣於是符下所司分疆畫界築城設縣如定制自是迄清末將五十載渦陽一縣人文蔚起顧獨未有志共
和行政之八年 憲藩奉命長皖既下車聞渦陽縣令黃君自芳

創修渦陽縣志序

治行稱最當是時黃君宰渦已數稔政通人和百廢具舉乃以其暇搜求文獻大會邑之士紳謀創修縣志鳩貲設局經始於八年二月越明年秋稿就分析門類爲十有四全書爲卷十有六體例一本實齋章氏之說繁簡則折衷於吳郡武功二志之間其攷訂精審如雉水爲雉龍山爲勇實能糾正古籍訛誤昭若發矇至於紀人物紀事蹟又本古人常事不書大事詳書之義如馬忠武田治臣等傳及捻亂起滅莫不備稽其始終本末而悉著之不可謂非斐然之述作已昔漢丞相張禹使潁川朱贛條天下風俗班氏因之作地理志於民風剛柔強弱三致意焉蓋風俗者地方治亂所從出也渦陽居長淮腰膂氣脈雄厚其人民軀偉膽壯喜爲剽輕有司者憎於撫馭之術激使走險

故任張奮臂一呼而羣盜響應今夫人負殊勇家有白刃以之作亂則爲任柱張樂行而人蒙其毒反其轍而行則爲馬忠武爲田治臣從軍敵愾而國家賴其功之數人者同產於渦所秉山川雄傑之氣一也終乃懸絕若是豈非風俗移易之貴得其道哉然則捻亂一役匪特設縣緣起抑又清代之廢興繫焉觀其所哀錄亦當世得失之林也何必舊聞志旣脫稿而黃君調任他邑錄副以去未幾余內調領步軍黃君亦辭官重列議席邂逅於京師問渦志已未鋟板黃君爲言年來轉徙靡常因攜稿來京就正有道輒加修改茲已定稿正付剞劂又以修志時余適長皖與聞其事請爲一言弁諸簡首余維近日國事搶攘衡決自行省以至偏陬下邑典章文物掃地隳壞黃君在渦陽

乃創修縣志獨爲於舉世不爲之際雖功令之所不督而必黽勉以圖之已賢於俗吏萬萬况渦陽一縣爲捻亂所根柢其遺聞軼事皆當與史乘相爲表裏而風氣剛勁殊於他方表而出之尤足令異日官斯地者將益知所旌異而不迷於施治之方余幸觀厥成乃歎黃君勤勤纂述上則裨補國聞下更有造於渦土也於是乎書

民國十三年歲次甲子孟秋合肥聶憲藩序

渦陽縣志序

清同治三年江淮亂平大吏以蒙西之雉河集距縣僻遠奏請割蒙亳阜宿之地設渦陽縣治今已五十餘年矣歲月不居君民易主文獻無徵識者病之余於民國六年捧檄宰渦與渦人士馬其驥馬樸仙劉靜章王馨亭等議志事綢繆者數閱月延南陽王敬民爲總纂方城李東峯揚州馮子喬邑人馬樸仙王信能王瑞棠諸君爲分纂測量學生尋克容等任繪事又與南陽張忠夫先生函商體例忠夫之言曰古志多詳於類書畧於政書今者新政叢弊亡徵迭見亟宜覃研以圖補救桂陽湘潭深州各志及章氏遺書可師也八年春二月設局泰山廟訪古鈎沈分類掇拾九年秋甫有端緒適忠夫以赴滬之便迎其來

渦陽縣志序

渦居數月手不停披且與二三儔侶泛渦肥陟龍嵒石弓諸山別薛尋碑量泉淪茗於疆域沿革古蹟多所增潤十年春三月余奉調五河倉卒瓜代乃攜副本而去未幾余又調潁上水災籌賑日不暇給渦人士雖屢敦促未敢鹵莽十一年夏國會恢復余重列議席出志稿質之固始秦先生宥橫先生於治清史之暇悉心鑑定如雉水爲雉龍山爲勇頗抒新解又得步軍統領前安徽省長聶公偉丞提倡補助乃於十二年冬在豫付梓十三年夏歲事統計吾志之成歷年有七爲志十有四爲卷十有五需款萬餘爲邑紳劉吉甫等及各堡捐助離渦後遂寫劄削之費則解囊任之三宿之戀也烏乎轉蓬落葉豈窮水陸之程寒水增冰乃洞陰陽之理伊古以來創業者難爲功守文者

易爲力獨著述也哉後之君子有彌綸漏闕針余膏肓而起余廢疾者乎馨香祝之而已

中華民國十三年歲次甲子夏正四月中旬葉縣黃佩蘭撰

渦陽縣志序

中華紀元十三年秋黃君自芳著渦陽縣志告成溯創始之日今已七歷寒暑矣初黃君與余同爲國會議員交最摯六年國會停職黃君出宰渦邑余亦奉令長皖財政渦爲余鄉邦地瘠民貧且北連豫永遙接蘇之豐沛蕭碭盜賊出沒擾害閭閻吏斯土者捕盜不暇遑論其他故設縣雖久而政教鮮著黃君蒞渦之初曾約以聽政餘暇留心文獻翌年春正月會於蚌埠黃君曰渦匪已清方從事於溝渠道路森林學校諸要政渦志雖有發起之議以經費無着議而輒止余聞之歎美者再乃慨允助資爲先倡而渦志從此開始纂修越三年政成化洽甫脫稿黃君去渦任穎旋來京再列議席得間重事校訂蒐輯補正又

渦陽縣志序

三年而書成余慨然曰黃君於去渦後又盡力於邑乘卒底於成於渦可無憾矣猶憶設縣之初築城未果而匪復熾費絀幾輟工有知縣薛元啟者踵其事以完成之今崇墉屹立薛君之功也黃君於五十年後創修渦志與薛公之築城同爲百年不朽之業薛君豫人黃君亦豫人後先輝映何豫人之多賢也昔姚惜抱先生嘗慨天下地志謬誤謂每邑設有篤學好古者各考紀其地土之實據以參校則天下地志不患不善渦素少博學故有志未逮今黃君發憤載筆俾吾渦風謠物產地理人文之概一一託諸簡編其歷時既久考訂斯精於以見地志之善固不僅地方士紳之著述也是爲序中華民國十三年秋九月邑人劉鴻慶序於京師

渦陽縣志序

渦割四境之壤萃爲嚴疆草昧經營鮮邑乘之紀載自劉志草略迄今已五十有年其間議修者前憲鄒公鍾俊張公樹建非不汲汲然或以款絀或以才難未舉民國肇造如斗之城已成破甑彫敝餘生文化榛蕪宰此邦者又六年十易毛櫟席不暇暖徵文考獻難矣夫一邑之山川風土禮俗學校賦役戶口名臣義士孝子貞媛苟無志以傳之則天地之氣不舒而政治進化亦因之濡滯蓋志者史也邑無史何以示後禩戊午秋古葉黃公自芳撫渦篆百廢俱舉中尤以纂修縣志爲急聘南陽王敬銘先生總纂以余勦校己未春方從事蒐輯余舊疾作蜷伏經年數瀕於危幸黃公兼精醫得甦病榻吟呻間時有貢獻其

渦陽縣志序

體例以會稽章氏爲準參考於深州桂陽又得南陽張忠甫先生志疆域龍勇雉雉之辨闡發實多兩閱寒暑風雨編摩汗青有日迺有泥之者行不果辛酉春黃公調穎上嗣列國會議席挾此册借鏡京師劄梓汴省苦心毅力不以難阻函商數次展轉數年始底於成今者華陽志就有慚常璩不能無一言以誌未逮後之流覽者瞻老子之宮游莊生之里吊孫登之墓尋范蠡之村橋邊柳色不孕文明郭外杏花胥勤耕牧陳隱王傳列世家有關聖教張睢陽身摧巨寇足喚國魂此皆堪發深省資明鑑則斯志之作有裨於政治風化殊非淺鮮其他論方志源流及繁簡之弊旁徵遠引摛藻揚華多散見於各郡縣志不敢撫拾以文其陋紀實也民國乙丑秋邑人馬敦仁序於棗竹齋

渦陽縣志序

皖南北郡縣志以涇志亳志爲最陽湖洪亮吉太史之言曰方志有苟簡濫收二弊苟則輿圖疆域不詳濫則借人才侈景物以致僞誤此所以有慨於明以後所修之府州縣志也涇爲秦漢古郡有藍岫花潭走馬白龜之勝故其文運遞嬗人物清淑其志乘也易渦壤新治無名山巨川縱武略能嫻而文化未暢其志乘也難古葉黃公自芳前宰涇縣稱良吏鑒於涇志之善已有志著述民六年署渦凋敝之餘百端賴以陶冶簿書暇復搜求桐城劉夢塗先生亳志審慎於會稽體例參攷於深州風土慨然有纂修渦陽縣志之議爰具聘書禮請南陽王敬民先生主其事又延南陽張忠甫先生協修六閱寒暑於渦於汴於

渦陽縣志序

一

京師曲折展緩刪訂苦心得以蒞事余藜火分青深慚參校迴憶義正藝院與老友馬君樸山共硯時燈紅課罷舊學商量每咨嗟太息於渦志未修四十年中有志未逮今觀成矣不可不謂深慰吾兩人之私願也蓋斯志之作不簡不濫庶可與涇亳兩志並傳焉時民國十四年仲秋邑人劉綸閣序

渦陽縣志序

開雲於民國十一年五月捧 檄宰渦陽見前令黃君自芳倡修之渦陽縣志綱舉目張積成巨帙不禁私衷嚮往者久之黃君於志未付梓遽解組以去開雲本蕭規曹隨之義籌資以促其成竊願竟黃君未竟之功爲渦陽留一信史焉溯有清同治之世當道以削平捻寇稔知蒙阜宿亳各邊圉形勢重要苟非增設縣治殊不足以遏亂萌因於蒙城之雉河集建渦陽縣城並分撥數鄰縣之疆宇以完成渦陽縣境由是干戈息而禮教興挽槍掃而德曜明名臣如馬忠武公其人豐功偉烈彪炳旂常其他以經濟文章蔚爲國器者更後先輝映震鑠寰區於以見名賢應運而興亦間氣鍾毓使然也開雲宰渦一年愧乏撫

渦陽縣志序

一

綏之績惟勦平豫匪力爲渦邑謀治安差可告無罪於渦人竊幸渦人本自治之精神作善後之事業其熱忱毅力儼有鄉前輩之矩範焉開雲與渦人相結納每喜其誠樸不欺渾厚無機械心輒以爲三代淳古之風不圖於今日見之茲開雲身雖去渦而愛渦之心與祝渦人希蹤前賢勤勞國事之念則積久彌篤焉近開雲承乏盱任其繁劇與渦同當此軍書旁午時實無暇操筆爲文也因馬君成驥函屬作渦陽縣志序又曷敢以不文辭

民國十四年中秋月貴池柯開雲撰

渦陽縣志序

渦陽當前清盛時其地真甌脫也界蒙亳宿阜四縣之中去縣城皆遼遠又風俗強悍山川阻深大盜竊發互相推避封疆大吏患之請於朝建城郭設官府焉恰值清之季世亦所謂國將亡必多制也昔年南北分爭恒視此爲要地元魏嘗以重兵據渦陽梁陳慶之等攻之魏戰數不利已而魏生力軍數萬奄至梁曹仲宗等懼腹背受敵欲還陳慶之堅執不退並云奉密勅違者斬衆乃定親提精銳百數十戰然後大敗魏師走之渦陽城遂降梁縣雖新乎而渦陽之名固已千有餘年矣近今馬忠武公謀勇兼備所至成功威鎮中華名聞敵國足與陳慶之匹庚子之役惟董公與馬公不負國家蓋得山川雄傑之氣而出

渦陽縣志序

之以正者歟至於忠烈之士指不勝屈不善教之乃鋌而走險善教之皆戡亂才也數年前合肥聶公葉縣黃公創修縣志采訪商酌閱數寒暑備極勤勞今將告竣而余適會其成功敢掠美哉諸人士請序於余余辭之不獲遂不揣固陋援筆而爲之序蕭縣王體陵序

創修渦陽縣志序

渦陽縣治乃前清同治甲子經皖撫唐公訓方喬公松年兩江總督曾公國藩先後奏請割蒙亳阜宿之地所設置迄於民國紀元之六載古葉黃君佩蘭來令是邑越二稔渦志乃開始纂修甫脫稿而黃君去渦旋列京師議席重事校訂甲子乃告厥成功與置縣之甲子相輝映甚盛事也中經六十寒暑如鄒鍾俊張樹建兩令尹均議修未果邑中僅傳有劉志草略創修固有甚難者蓋經任柱張樂行之變頻年烽火典籍散失名宿遺老復潔身遠蹈徵文考獻俱憾無從加以文化日新須具世界史眼光方能秉筆直書爲萬國年鑑張本以今較昔才學識三者其難尤倍於前觀志載疆域渦陽毗鄰豫永復與蘇之豐沛

創修渦陽縣志序

蕭碭相錯全皖倚爲北門之鎖鑰一旦風鶴有警渦河之米鹽南肥之芻茭北肥之漕糧呼應能通餉源可恃官斯土者當視爲守禦之資人物如老莊范蠡陳隱王馬忠武輩皆此間傑出之才其他義士節婦貞媛例得並書爲移易風俗之助而學校文藝賦役戶口胥賴以傳蓋志者史乘也大而推於一國非國史無以紀治亂之源小而譬諸一家非家乘無以紀支派之衍溯結繩而易書契由草昧而進文明世運遞嬗簡編朗列則是志也非僅爲目前之考證直與河山並壽萬禩不磨矣余廿載從戎一行作吏蒞渦之三閱月邑人士乃以縣志付梓告余因幸逢茲會而樂觀厥成也爰分鶴俸助梓綴以俚言序云乎哉
中華民國十五年歲次丙寅夏正五月古蜀榮昌羅經猷序

渦陽縣志目次

卷首

題名

序

目錄

纂修姓氏

卷一

圖 全境總圖 四縣分撥分圖 縣城全圖

卷二

疆域 沿革 交通 道路 暑度 境界 形勝 村堡表 圩寨表

卷三

渦陽縣志目次

山川

卷四

古蹟

卷五

建置

卷六

藩封

卷七

名宦 職官表

卷八

食貨 物產

卷九

學校 選舉表

卷十

憲典

卷十一

禮俗

卷十二

人物上

卷十三

人物中

卷十四

渦陽縣志目次

人物下 列女 忠烈表

卷十五

兵事 兵防

卷十六

藝文

卷十七

後叙

卷十八

樂輸題名

跋

渦陽縣志纂修姓氏

鑒修

升任步軍統領安徽省長

合肥聶憲藩 偉丞

鑒定

清使館總纂前廣東提學使

固始秦樹聲 宥橫

總纂

簡任職存記渦陽縣知事

葉縣黃佩蘭 自芳

拔貢生

南陽王佩箴 敬民

協纂

舉人

南陽張嘉謀 忠甫

恩貢生

邑人馬敦仁 樸仙

渦陽縣志纂修姓氏

分纂

附生

王行五 信能

渦陽縣文廟奉祀官廩貢生

劉綸閣 靜章

附生

王信行 瑞堂

渦陽縣公署第一科科長

江都馮錫恩 子喬

渦陽縣管獄員拔貢生

方城李毓岱 東峯

縣志局長

渦陽縣商務會長兼地方財政局局長邑人馬成驥 騏驥

收掌

渦陽縣教育會會長

邑人劉懷彬 文甫

渦陽縣教育會副會長

羅亨淵 文藻

採訪

附 貢 生

邑人祝鴻助 壽康

渦陽縣文廟奉祀官歲貢生

馬香谷 秀峯

拔 貢 生

王之駒 叔駿

增 貢 生

楊善昌 筱福

附 生

程靈波 仙槎

附 生

王之幹 仲蕃

廩 生

楊敬業 完齋

附 生

盛學獻 伯徵

歲 貢 生

江萃廷 晉臣

附 生

楊澄湛 沛卿

渦陽縣志纂修姓氏

二

附 生

邑人劉尙賓 光廷

附 生

吳成傑 漢三

附 生

任際雲 見田

增 生

劉化南

附 生

葛慎庵 誠齋

附 生

王化福 德善

縣自治畢業生

張方崇 景姚

廩 貢 生

董宗冉 效五

附 生

董繼舒 厚菴

附 生

葉增榮 壽民

附 生

鄭蘭亭

附

生

邑人朱霽軒

附

生

蔣鳳閣

附

生

吳蓮溪

附

生

牛耕雲 光斗

附

生

王化鯤 搏霄

附

生

王廉濤 玉度

師範傳習所畢業

馬潤身 悴然

增

生

楊騰雲 雨亭

繪圖

陸

軍

測

繪

生

金鄉尋克容

濟寧王玉鼎

渦陽縣志纂修姓氏

三

校對

考取知事拔貢生

南陽王衍續